



Trg Roberta B. Owena 76100 Brčko distrikt Bosne i Hercegovine, Telefon: +387 49 490-013, Faks: +387 49 490-020.
Трг Роберта Б. Овена 76100 Брчко дистрикт Босне и Херцеговине, Телефон: +387 49 490-013, Факс: +387 49 490-020.

Broj predmeta: 13-002786/20
Broj akta: 01.1-1413EK-0017/21
Datum, 8.4.2021. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18- prečišćeni tekst, 49/18, 08/19, 10/19 i 32/19,), u skladu sa članom 69. Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda, sa preporukom Komisije, broj: 13-002786/20 od 06.04.2021. godine, gradonačelnik Brčko distrikta BiH d o n o s i

ODLUKU O PONIŠTENJU POSTUPKA JAVNE NABAVKE

Član 1.

Poništava se postupak javne nabavke po provedenom otvorenom postupku za nabavku rezervnih auto dijelova i auto guma za potrebe Policije Brčko distrikta BiH – 2 lota, koji je proveden na osnovu Odluke o pokretanju postupka javne nabavke broj: 14.04.1-13-1536/20, broj akta: 14.04.1-13-64737/20 od 21.09.2020. godine i Obavještenja o nabavci broj: 1157-1-1-640-3-534/20 objavljenim dana 02.10.2020. godine, iz razloga što za lot 2 nije dostavljena nijedna ponuda u određenom krajnjem roku, što prema čl. 69. stav (2) tačka a) Zakona o javnim nabavkama predstavlja osnov za poništenje postupka javne nabavke.

Obrazloženje:

Dana 16.10.2020. godine jedan od potencijalnih ponuđača ulaže žalbu na tendersku dokumentaciju. Žalba je odbijena kao neosnovana Izjašnjenjem po žalbi ugovornog organa broj 01.1-1141SM-0007/20 od 20.10.2020. godine te je u skladu sa Zakonom o javnim nabavkama BiH prosljeđena Kancelariji za razmatranje žalbi BiH u Sarajevo. Dana 11.01.2021. godine u Pododjeljenje za javne nabavke dostavljeno je Rješenje KRŽ BiH broj JN2-01-07-1-3087-6/20 od 23.12.2020. godine kojim se Žalba jednog od potencijalnih ponuđača na Lotu broj 1 usvaja. KRŽ BiH predmetnim rješenjem poništava tendersku dokumentaciju i obavještenje o nabavci za lot broj 1. U skladu sa procedurom, ugovorni organ Brčko distrikt BiH je dana 01.02.2021. godine poslao Obavještenje o poništenju postupka za Lot broj 1 na objavu Agenciji za javne nabavke BiH, broj obavještenja o poništenju 1157-1-1-640-4-107/21 objavljen u Sl listu BiH broj 8 od 05.02.2021. godine. (Samo za lot broj 1). S obzirom da je žalba usvojena za lot broj 1 i da je Rješenje KRŽ BiH konačan upravni akt koji se odnosi samo na lot broj 1, stvoreni su uslovi za nastavak procedure javne nabavke za lot broj 2. Dana 02.02.2021. godine ugovorni organ Brčko distrikt je objavio Ispravku obavještenja o nabavci broj 1157-1-1-640-8-109/21 od 02.02.2021. godine koja se odnosi na novi termin predaje ponuda i otvaranja istih za lot broj 2. Obavještenje je objavljeno u Sl listu BiH broj 8 od 05.02.2021. godine. Novi rok za predaju ponuda je bio 02.03.2021. godine do 12:00 časova a termin otvaranja ponuda 02.03.2021. godine u 12:15 časova. Do zakazanog termina za dostavljanje ponuda nije dostavljena niti jedna ponuda. Imenovana komisija za javne nabavke je konstatovala u Zapisnik sa otvaranja ponuda broj 13-002786/20 od 02.03.2021. godine da nije dostavljena niti jedna ponuda za lot broj 2. Zbog svega navedenog Komisija je dala preporuku o poništenju postupka izbora najpovoljnijeg ponuđača za lot broj 2, a sve u skladu sa odredbama člana. 69. stav (2) tačka a) Zakona o javnim nabavkama.

Član 2.

Odluka o poništenju postupka izbora najpovoljnijeg ponuđača stupa na snagu danom donošenja.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Policiji,
3. Gradonačelniku,
4. Zamjeniku gradonačelnika,
5. «Službenom glasniku Brčko distrikta BiH»,
6. Arhivi.

